

Samræmd starfsleyfisskilyrði vegna mengunarvarna, sbr. 12. gr. reglugerðar nr. 785/1999 um starfsleyfi fyrir atvinnurekstur sem getur haft í för með sér mengun, með síðari breytingum

Starfsleyfisskilyrði fyrir stórar námur

(Almenn starfsleyfisskilyrði fyrir mengnandi starfsemi sbr. auglýsingu nr. 582/2000 gilda einnig um starfsemina)

1. Almenn ákvæði og gildissvið

- 1.1 Starfsleyfisskilyrði þessi gilda fyrir rekstur á stórum námum s.s. malar-, vikur-, grjót- og sandnámum ásamt hörpun og grófvinnslu efnis. Stórar námur eru þar sem efnistaka raskar 25.000 m² svæði eða stærra eða er 50.000 m³ eða meiri.
- 1.2 Skilyrði þessi mynda grunn að starfsleyfi. Heilbrigðisnefnd setur frekari kröfur í starfsleyfið ef aðstæður krefja.
- 1.3 Rekstraraðili skal tryggja að starfsemin sé í samræmi við gildandi skipulag og samþykka notkun fasteigna.
- 1.4 Ef rekstraraðili er með annan starfsleyfisskyldan rekstur samhliða gilda um hann viðeigandi starfsleyfisskilyrði.
- 1.5 Fylgja skal öllum skilyrðum sem fram koma í niðurstöðum umhverfismats hafi það farið fram og fyrirmælum viðkomandi bæjar- eða sveitarstjórnar við frágang svæðis.
- 1.6 Rekstraraðili skal tilnefna sérstakan ábyrgðarmann fyrir umhverfismálum gagnvart heilbrigðiseftirliti.
- 1.7 Rekstraraðili hefur eigið eftirlit og skráningu þar sem kemur m.a.:
 - Árleg staðfesting viðkomandi bæjar- eða sveitarstjórnar um að frágangur efnistökusvæða sé í samræmi við kröfur.
 - Fjöldi efnistökuastaða, hnituð staðsetning, efnistegund og vinnslumagn.
 - Upplýsingar um nöfn verktaka sem stunda efnistöku í námum sem starfsleyfið nær til.
 - Fjöldi olíutanka, olíuáfyllingarsvæða, olíuskilja, magn olíuefna og rýrnun.
 - Atvik er varða mengunarvarnir fyrirtækisins s.s. rekstur og viðhald á mengunarvarnabúnaði, bilanir, mengunaróhöpp og kvartanir m.t.t. umhverfismála.
 - Notkun, flutning og förgun spilliefna, sbr. reglugerð um spilliefni nr. 806/1999.
 - Magn olíusora og sands í olíuskiljum, mælt við reglulegt eftirlit, dagsetningar tæminga, magn og nafn dæluaðila.Heilbrigðisfulltrúar skulu hafa aðgang að ofangreindum skráningum.
- 1.8 Tilkynna skal heilbrigðiseftirliti ef starfsemi fyrirtækisins er lögð niður eða ef eigendaskipti verða.

2. Mengunarvarnir

- 2.1 Olíuáfyllingar og olíuskipti á þungavinnuvélum skulu eingöngu fara fram á olíuheldu áfyllingsplani með frárænni sem leitt er í olíuskilju. Heilbrigðiseftirlit getur ef aðstæður leyfa samþykkt annan búnað sem uppfyllir markmið um ásættanlegar mengunarvarnir.
- 2.2 Gæta skal ítrustu varúðar við meðferð olíu og við olíuáfyllingar og verði vart olíuleka skal strax brugðist við, mengaður jarðvegur fjarlægður og heilbrigðiseftirliti tilkynnt um atburðinn. Fari niður meiri olía en svo að starfsmenn ráða við að fjarlægja hana strax, skal slökkviliði þegar gert viðvart um neyðarsíma 112.

- 2.3 Allt frárennsli sem getur verið mengað af olíuefnum skal leitt í olíuskilju. Olíuskiljur skulu tæmdar eftir þörfum, þó eigi sjaldnar en einu sinni á ári, og olíusora skilað til móttökustöðvar fyrir slíkan úrgang.
- 2.4 Olíutankar skulu ávallt vera í þróm eða staðsettir á öruggan hátt á olíuheldu plani með afrennsli í samþykktu olíuskilju. Tryggt skal að olía renni ekki út í umhverfið þó lagnir bresti.
- 2.5 Afla þarf leyfis byggingafulltrúa og heilbrigðiseftirlits fyrir frágang, staðsetningu og stærð olíutanka. Sama gildir um frágang á áfyllingsplani og olíuskilju. Olíubirgðatankar stærri en 10.000 lítra þurfa sér úttekt Umhverfisstofnunar
- 2.6 Diselfrastöðvar skulu staðsettar innandyra og með öruggri lekavörn.
- 2.7 Ekki skal geyma meira en nauðsynlegt er vegna skammtímanotkunar af smurolíum á svæðinu.
- 2.8 Úrgangsolía, notaðar olíusíur og rafgeymar eru spilliefni sem á að fara með í viðurkennda förgun. Geymsla á þessum efnum ásamt málningum, málningarafgöngum og smurolíum og smurfeiti skal vera á öruggum stað innan dyra.
- 2.9 Fyrir olíubirgðatanka og lagnir gilda ákvæði reglugerðar um varnir gegn olíumengun frá starfsemi í land, nr. 35/1994 með síðari breytingum.
- 2.10 Olíutankar skulu búnir yfirfyllingarviðvörn eða yfirfyllingarvörn.

3. Aðkoma og frágangur

- 3.1 Yfirbragð efnistökusvæðis skal vera snyrtilegt og uppfylla almenn öryggissjónarmið. Fjarlægja skal allt sorp og úrgang frá námusvæðum og koma í viðurkennda förgun. Öll brennsla og urðun úrgangs er bönnuð.
- 3.2 Rekstraraðili sér til þess að fjarlægður sé jafnóðum allur búnaður og hlutir sem kunna að berast inn á svæðið og eru rekstrinum óviðkomandi.
- 3.3 Þess skal gætt að starfsemin valdi ekki öðrum óþarfa ónæði eða hávaða og að fokgjörn jarðefni valdi ekki skaða eða röskun á umhverfi utan vinnslusvæðis. Ef þörf er á skal skerma jarðefni af.
- 3.4 Við efnistöku og frágang skal fylgja leiðbeiningunum: *Námur – efnistaka og frágangur*, sem umhverfísráðuneyti o.fl. aðilar gáfu út árið 2002.
- 3.5 Þungavinnutæki skulu ávallt hafa gild skoðunarskírteini. Eingöngu brýnustu viðgerðir til að forða tjóni eða umhverfismengun mega fara fram á svæðinu. Tæki skulu að jafnaði flutt af svæðinu til viðgerða.
- 3.6 Hvergi skulu á efnistökusvæðinu myndast óþarfa tjarnir. Ef hætta er á að ár og lækir mengist skal grípa til viðeigandi ráðstafana, t.d. með því að leiða vatnið í gegnum settjarnir eða síubeð, eða aðra hreinsun sem heilbrigðiseftirlit telur þörf á.
- 3.7 Fráveituvatn frá eldunar- og salernisaðstöðu skal leiða í safntank, rotþró eða fráveitukerfi sveitarfélags. Ef rotþró er á staðnum skal fylgja leiðbeiningum Umhverfisstofnunar um rotþrær og siturlagnir.
- 3.8 Fylgja þarf reglum Vinnueftirlits ríkisins varðandi meðferð og geymslu sprengiefnis.
- 3.9 Leggist starfsemin niður skal búnaður fjarlægður í samráði við heilbrigðiseftirlitið og spilliefnum komið í viðurkennda förgun.